

書名 皇明文衡一百卷 正德五年
 序刊本
 撰者 明 程敏政 輯, 明 范震、李
 文會 校
 卷 卷一百
 內容分類 集 總集 各代 明
 索書號 大木 集部 總集類 30
 編號 D7861500

卷一百



皇明文衡卷之一

[彩色首頁1](#)

[東洋文化研究所漢籍目錄 編號: D7861500](#)

[東洋文化研究所漢籍目錄所藏漢籍善本文影像資料庫 索書號: 大木 集部 總集類 30](#)

[漢籍善本文影像資料庫文本 皇明文衡一百卷 正德五年序刊本](#)

[版權所有: 東京大學 東洋文化研究所](#)

[使用上的注意事項](#)

代古檄

中原檄



翰林院學士新安程敏政選編
 鄉進士國子監助教永康范震校正
 賜進士應天府儒學教授郊鄧李文會重校

宋濂



自古帝王臨御天下中國居內以制夷狄夷狄居外以奉中國
 夷狄治天下也自宋祚傾移元以北狄入主中國
 固不臣服此豈人力實乃天授然達人志士尚有
 一嘆自是以後元之臣子不遵祖訓廢壞綱常有
 如大德廢長立幼泰定以臣弑君天曆以弟醜兄至於弟技



吐舌相戒不敢犯令公知晨門西南漸益壓境凡出入異號以杜奸細每遇亢旱齋被揭虔用祈饗應民有不平侃上控愬必假顏色盡攄底裏如夏稅徵絲非其土產公為轉聞行省得折米為便官廨修飭重建大成殿兩廡下至衣甲鮮明砲矢積蓄未容殫述也父老拜公乃下馬拜嗚呼丞相用人之秋文武彬上輪才授職可謂無愧矣公先省而後院移所以治省者治院求內而不治可乎今先院而後郡移所以治院者治郡求外而不治可乎於此益歎丞相知人之明而公之克膺是選也公廉潔自將尤長於詩予獲登龍門有一目之雅於其去也故不得叙其端云

皇明文衡卷之一百

補缺

送程憲僉序

唐仲

予家世學詩每誦皇皇者華知君遺乎使臣之為君使者各盡其道也後世君臣未盡其道上下之情不通所以胥笑之矣合泚程公以儒起家初

聖上龍興潛淵渡河以宅

帝位公用言者薦遂為中書省都事譽謗有骨鯁風時國公開省南服英譽洋溢貸以自助擢為執法諫議官朝夕匡弼不肯少禡之六年特授提刑按察司僉事明筆行郡興安值干戈勦勦之秋與民更始不棘不阿不忍撻之以事暇日謁夫子廟過紫陽精舍瞻仰文公久之予方以紫陽綱吏言老

從容語曰學校之興書聲不聞虛文耳嗚呼劉項交戰魯猶絃歌不絕故曰曲阜聖人之教也況今紫陽即魯之曲阜也學校廢于衿作豈無倚席不講之羞世之俗吏世之俗吏但欲華爾宮以規俎豆之地殆未知爲教者可勝慨哉公字嘉貞瑰文傑句嘒嘒儒者也予序論古今遺使之道以爲公讀亦欲上下之情通詩凡若干首於是唐仲推其意序之

送楊尚書序

徐有貞

景泰二年冬十二月 詔以禮部尚書楊公彥謐爲南京刑部尚書行有日主事孫曰讓以其行爲請予與公文爲忘形甚久又幸爲同寅誼不可辭公明敏有才識時務多幹局始以進士爲主事爲郎中爲侍郎皆在刑部所歷皆未久皆以軍功遷秩其進取固銳然於公之勞勩實足以當之也比一

二載間福建寇作而江西爲鄰壤遂 命公往保釐之卒用

底寧用是 召還陞禮部尚書居歲餘有大臣言南京固根

本地而六部都察院多缺正員不足以鎮之

上可其奏事下廷臣論薦而廷議謂公在刑部久練習法比

大司寇之缺非公不可遂聞于

上是以前今日之命也或曰 朝廷方資公以典邦禮和神

人治上下顧乃今輟此而置彼可乎予曰民協于中者司寇

之職也而保障南京者 朝廷付託之深意也苟徒以明刑

爲公之職業而遺付託之重是不知 命公之意也公之是

往其寄不既重矣乎其可不思所以副

皇上之任使乎是爲贈

故承直郎太常寺丞柳莊袁先生墓誌銘

姚廣孝

永樂八年歲在庚寅十二月初五日承直郎太常寺丞柳莊
袁先生卒于家訃至 京明年辛卯正月二十二日其子中
書舍人忠徹奏聞

上爲之哀悼賜鈔六百錠營葬事遣中貴官祭于其家二十
四日忠徹傳奉

敕旨命臣廣孝撰先生墓誌臣謹奉 命按賜進士出身吏
部員外郎臣陳宗問行狀先生諱珙字廷玉姓袁氏系出南
昌世多聞人宋南渡有諱子誠者知臨安府兼大宗正司丞
扈蹕至鄞遂家焉其孫鏞以進士死忠於德祐間曾祖諱景
安登進士第祖諱衍隱德弗耀考士元文林郎翰林國史檢
閱官博學能文器量恢廓性明果義有所不可則奮力正之

故鄉間以中直稱初衍無子以弟澤民承後澤民仲子士元
謂弟無繼兄之義白於有司奉澤民歸宗而已爲衍子俾得
倫序不紊自號菊村先生寶德祐忠臣之嫡孫也生子四人
曰珙曰珪曰瑛曰璟珙卽先生也先生性剛毅直方不泛交
於人安省養志粹乎有道之士也當勝國之季勵精儒業九
流百氏之書靡不涉究然時與願違遂游歷湖海間遇異僧
別古崖於補怛洛伽山一見而奇之因授以相人之訣期先
生後必以術顯先生決人貴賤壽夭禍福休咎如指諸掌凡
求占者必先察其心志聽其語言次觀其形氣然後斷之以
吉凶規之以忠義雖達官貴人遇之不以禮則拂袖而去豈
以勢利能動其心哉

聖朝啓運天下和平先生乃歸鄞城之西聿新其先業所居

前後皆樹以柳扁曰柳莊鄉之人皆稱為柳莊先生洪武間
上在潛邸聞先生名遣使以幣禮聘焉先生既拜受即沐浴
戒行李而起及見

上大悅先生於是肅恭而前凝神佇思面對

聖容俯仰左右一目而盡得矣先生再拜稽首而言曰

聖上太平天子也龍形而鳳姿天廣地闊日麗中天重瞳龍

鬚二肘若肉印之狀龍行虎步聲如鍾實乃蒼生

真主太平天子也但年交四十髯鬚長過於臍即登寶位時

上雖聽其說而未全信居無何先生辭還故里 錫賚殊厚

洪武三十五年壬午六月十七日

上誕膺 天籙嗣登 大寶發政施仁萬幾之假因感先生

昔言之驗若左右券無毫髮遺失於是 敕遣內侍驛召至

京拜太常寺丞授承直郎待以特禮 其先服鞍馬文綺鈔

鈔及居第在京以便其老

上巡狩北方已丑冬十月尋有 旨召至行在先生即日就

道

東殿特念其衰老非霜露所堪於是賜貂裘安車而敦遣焉

既入覲獎諭有加已而得請展省先坐復敕驛置歸其鄉

恩至渥也及先生卒

上賜鈔以營葬事遣中貴官祭于其家復 敕臣撰墓誌先

生感荷

聖恩始終榮顯自古所無有先生卒時年七十有六先生平

日篤于孝友天性然也親疾革則焚香籲天減已之年以益

親壽疾果差人以為孝感所致暨矢怙恃衰沒過禮先生時

厄於貧窶衣衾棺槨爲之必竭其力由是禮無不備宗族之
貧乏者恒嗇已用以賑之弟妹之孤嫠者咸推恩以撫之有
嫁娶之不能者出財力以相成之先生與鄉黨也正而不群
處妻子也嚴而有禮交朋舊也以信義而不阿卹患難也救
之惟恐不及人有以役當從而委之金百鎰不相聞者餘十
年及其歸以金還之封識如故友人以事逮于死者莫之能
贖先生收厝以歸其母先生臨利害一以理勝略無顧忌趨
避其忠義正大如此先生好爲歌詩與客燕飲酒酣擊缶仰
天豪吟人以爲康節先生也先生知命之終屬歲之日怡然
如常溘爾而去故鄉閭父老及所交游者罔不悲嘆公卿太
夫士走哭奠祭者踵相接于道先生娶倪氏有婦德嘗五
人長忠救先卒次忠敏淳而勤於家事次忠教次忠履次忠

志而歿次忠徹性資穎悟善承家學由鴻臚寺序班陞上寶
司丞今調中書舍人嘗 扈從北巡

上尤寵厚也次忠教又勤于學女一適慈溪士人潘惟聰孫
男七八應驪應駉應駒應驥應駉孫女三人皆幼
忠徹奔喪歸以是年三月二十四日扶柩至桃源楊山人舉
葬于先隴之左嗚呼先生爲人剛方中正學純行端綽有古
君子之遺風於是

皇上見知特加禮遇豈惟其文行之精妙而致然爾昔袁天
綱父子事唐太宗名著方策以爲希世之有今觀先生與其
子忠徹際遇

聖天子始終 恩寵莫大之榮顯豈天綱父子可能跂及者
哉先生平日相人之奇驗九靈山人戴良傳備詳茲不復繫

銘曰

袁氏之系出于南昌世多聞人積德其滂臨安來鄞乃爲故鄉鏞死于節德祐忠良文林學古器量恢弘挺生先生資性剛方不泛其交克紹厥芳涉究經史吟詠詩章縱逸弗群雄豪是長不事其家遊歷海邦激逢異僧奇其目明因以授彼相人之方術日以精名日以張課子畊讀號曰柳莊暨于昌朝際遇

聖皇優寵異等官拜太常子職中書橋梓揚揚既貴且富日觀清光高年 賜歸以壽以康豈期無疾終于蘭堂遣官置奠 錫賚盈箱子嗣孫承尚有餘慶葬于桃源先隴之傍勒文蒼堅終古不忘

重修胡文定公書院記

彭時

崇安爲建寧望縣武吉先生胡文定公之故居在焉宋乾統中已祠先生于學而文定公書院則自元至正辛卯縣尹彭庭堅始書院在今四隅四里之興賢坊其制右爲禮殿奉宣聖及四子侍坐像左爲祠肖先生像居中而以先生子從籍溪致堂節堂五峰四君子配焉祠之後有堂前有重門翼以廊廡名其外門曰文定公書院蓋以表崇先賢且欲以待來學也其意美矣然歲久滋敝近雖有修葺之者而棟宇頽摧凜焉欲壓天順八年秋八月建寧人劉公行縣至崇安因入謁焉撫然有感乃捐已俸率鄉貢士暨文國子生監磯輩各助貲庀材新之而命大使王仲董其事易朽除腐飾漫漶以鮮潔規制雖仍平書而煥然一新觀者爲之起敬以是年十月始事朔三月而告成成之明年夏太守考績王京長亦以

其故且屬記焉竊聞安自名駁

來中 上之生多矣

然道學之傳惟胡氏為盛派其淵源實自先生始蓋先生資稟絕異早聞伊洛微言於游楊謝三君子而以講明踐履於家成其子從俱為大儒遂啓新安朱氏東萊呂氏南軒張氏之傳而道學益盛以顯至其平生著述皆有觀名教而發明春秋之功為尤大蓋春秋孔子之親筆聖人經世之志在焉下若他經可以訓詁通自左氏公穀以來傳註之行無慮百家文舛辭僻卒無定說聖人之宏綱大旨往往鬱而不明致使王安石詆以為斷爛朝報直廢棄之不列於學官庸非聖經以衆說晦而安石無獨見之明故耶先生自壯年即服膺是經心領神悟獨得聖人之精微當宋南渡時執經進講未見獎重及承詔作傳乃參考百家一折衷之以至理推闡

微辭發明奧義其於扶三綱敘九法抑邪說正人心與夫尊王賤霸內夏外夷之意尤惓惓焉自是春秋之大義復明矣於戲周東遷而春秋作宋南渡而傳義明先聖後賢千古一心豈斯文之興固自有其時歟鄉使安石幸而生先生之後得聞其說將崇信是經之不暇而何敢詆棄之耶惟其不幸出於先生之前不能超衆說以有見是以得罪於聖人取譏於後世也然則先生之於是經誠可謂繼往聖於既絕開來學於無窮其衛道息邪之功於是大矣我朝推崇先生列諸從祀誠萬世之公論而崇安乃先生鄉邑矧可無專祠以起後人之景仰也哉此太守所為盡心於書院而不敢後也繼今學者仰而瞻其容俯而讀其書一惟其道德言論是式是循庶幾進德脩業早有成效然後無須於

太守表章風勵之意太守名鉞字仗德世
忠愍公之子浙江憲副鈞之元父子兄弟相繼以春秋第進
士而太守爲政尤汲汲於重名節表風俗亦其學有所本且
知所自云

爲照學士

皇明文衡後序

作文難選文尤難惟子期然後後高
山流水之音而淄澠之味亦非易牙不
能辨自漢以來文章代有編選如昭明
文選姚鉉文粹之類何止數家求其遺議
若難矣我

朝百餘年道化熙洽臺閣之宗工山林之